

# LA CONTA DI RAT JOVENÇAN (NATHALIE CLOS)



## Page 1

Eun dzoo, eun RAT, eun passén dézò an CLLÉNDA, se icorche la PI.

## Page 2

Lo rat va tchi lo CORDAGNÌ é lèi demande :

« Cordagnì, sopli, coou-mé la pi que n'i icorchà dézò la cllénda ! ».

« Bién cheue ! » lèi repón lo cordagnì « Mi pe so, n'i fata de PÈI di gadeun ! ».

## Page 3

Lo rat va tchi lo GADEUN é lèi demande :

« Gadeun, sopli, bailla-mé tchica de pèi ! ».

« Bién cheue ! » lèi repón lo gadeun « Mi pe so, n'i fata de FAÈINA ! ».

## Page 4

Lo rat va tchi lo MELENÌ é lèi demande :

« Melenì, sopli, bailla-mé tchica de faèina ! ».

« Bién cheue ! » lèi repón lo melenì « Mi pe so, n'i fata de GRAN DE BLOU ! ».

## Page 5

Lo rat va deun lo TSAN de blou é lèi demande :

« Tsan de blou, sopli, bailla-mé tchica de gran de blou ! ».

« Bién cheue ! » lèi repón lo tsan de blou « Mi pe so, n'i fata de DREUDZE ! ».

## Page 6

Lo rat va avouì la VATSE é lèi demande :

« Vatse, sopli, bailla-mé tchica de dreudze ! ».

« Bién cheue ! » lèi repón la vatse « Mi pe so, n'i fata de FÉN ! ».

## Page 7

Lo rat va deun lo PROU é lèi demande :

« Prou, sopli, bailla-mé tchica de fén ! ».

« Bién cheue ! » lèi repón lo prou « Mi pe so, n'i fata d'IVE ! ».

## Page 8

Lo rat va vire lo REUI é lèi demande :

« Reui, sopli, bailla-mé tchica d'ive ! ».

## Page 9

É lo REUI baille L'IVE i RAT que la pourte i PROU ;

é lo PROU lèi baille de FÉN que lo RAT pourte a la VATSE ;

é la VATSE lèi baille de DREUDZE que lo RAT pourte i TSAN ;

é lo TSAN lèi baille de GRAN DE BLOU que lo RAT pourte i MELENÌ ;

é lo MELENÌ lèi baille de FAÈINA que lo RAT pourte i GADEUN ;

é lo GADEUN lèi baille de PÈI que lo RAT pourte i CORDAGNÌ ;

é lo CORDAGNÌ lèi reménde la PI que lo RAT s'é icorchà eun passén dézò la CLLÉNDA !